



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXVIII. Confirmatio, & declaratio Constitutionis Innocentii Papæ X. qua
damnatae sunt quinque Propositiones excerptæ à libro Cornelii Jansenii
Episcopi Iprensis, cui Titulus, Augustinus.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

nibus faciendis, aliisque Nostris, & Cancellaria Apostolicae regulis, ac rec. mem. Pii Papae IV. etiam Praedecessoris Nostri de gratiis quaecumque interesse dictae Camerae concernentibus in ea praesentandis, & registrandis, ita ut praesentes inibi praesentari, & registrari, nunquam necesse sit, & aliis Constitutionibus, & Ordinationibus Apostolicis, etiam Conciliaribus generalibus, vel specialibus, nec non legibus etiam Imperialibus, & municipalibus, ac Urbis praedictae, aliis quibusvis etiam juramento, Confirmatione Apostolica, vel alia quavis firmitate roboratis Statutis, eorumque reformationibus, & novis additionibus, stylis, usibus, & consuetudinibus etiam immemorabilibus, privilegiis quoque indultis, & Litteris Apostolicis sub quibuscumque verborum formis, ac cum quibusvis etiam derogatoriis derogatoriis, aliisque efficacioribus, & insolitis clausulis, & Decretis etiam irritantibus in genere, vel in specie, etiam motu, scientia, deliberatione, & potestatis plenitudine similibus, etiam consistorialiter, & aliis quomodolibet in contrarium praemissorum concessis, confirmatis, & pluries innovatis. Quibus omnibus, & singulis etiam pro sufficienti eorum derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio facienda, aut alia exquisita forma ad hoc servanda foret illorum omnium, & singulorum tenores, formas, & occasionem praesentibus pro plenè, & sufficienter expressis, insertis, & servatis respectivè habentes, illis aliàs in suo robore permanentibus, ad praemissorum effectum specialiter, & expressè derogamus, ac derogatum esse volumus, ceterisque contrariis quibuscumque.

Transumptorum fides.

§. 8. Volumus autem, ut praesentium transumptis, etiam impressis, manu alicujus Notarii publici subscriptis, & sigillo personae in dignitate Ecclesiastica constitutae munitis eadem prorsus fides in iudicio, & extra illud ubique adhibeatur, quae ipsis praesentibus adhiberetur si forent exhibitae, vel ostensae.

Dat. P. An. 2. die 18. Sept.

Dat. Romae apud Sanctam Mariam Majorem sub Annulo Piscatoris die 18. Sept. 1656. Pontificatus Nostri Anno Secundo.

Publicatio.

Anno à Nativitate Domini Nostri Jesu-Christi millesimo sexcentesimo quinquagesimo sexto, Indictione nona. Pontificatus autem Sanctiss. in Christo Patris, & D. N. D. Alexandri Divina providentia Papae Septimi anno secundo, die verò vigesima secunda Septembris praedicta Constitutio affixa, & publicata fuit ad valvas Basilicae Principis Apostolorum, ac Cancellariae Apostolicae, ac in Aede Campi Florae, per me Petrum Paulum de Grassis Apost. Curs. Pro Domino Magistro Cursorum Andreas Castrucci.

XXVII.

Confirmatio Privilegiorum Fratrum Ordinis Beatae Mariae de Mercede Redemptionis Captivorum.

Horum Fratrum privilegia confirmavit Urb. VIII. Constitut. 62. In supremo, ac iterum innovavit Const. 111. Ex Clementi.

Edita An. D. 1656.

ALEXANDER PAPA VII.

Ad perpetuam rei memoriam.

Exordium.

Injuncti Nobis Apostolici muneris ratio postulat, ut Sacrarum Religionum gratos Altissimo fructus assidue praestantium, paternam curam gerentes, privilegia, gratias, & indulta illis à Romanis Pontificibus Praedecessoribus Nostri, &

Apostolica Sedes concessa, quo validius perpetuò subsistant Nostrae confirmationis robore muniamus.

§. 1. Exponi siquidem Nobis nuper fecit dilectus filius Michael de Alcantara Vicarius Generalis Italiae, & Siciliae, ac Procurator Generalis Fratrum Ordinis Beatae Mariae de Mercede redemptionis Captivorum, tam suo, quam etiam dilectorum filiorum Ildephonsi de Sotomayor Magistri Generalis, & universorum totius praedicti Ordinis professorum nominibus, quod eidem Ordini, ejusque domibus, locis, & personis, Confratribus, & benefactoribus, nunc, & pro tempore existentibus per eandem Sedem Apostolicam concessae fuerunt variae gratiae, & indulta.

§. 2. Cum autem majorem obtineant roboris firmitatem, ea quae Apostolica auctoritate saepius muniuntur, & propterea idem Michael praemissa per Nos nominibus praedictis etiam confirmari, & approbari plurimum desideret. Idcirco nos eundem Ildephonsum, & Michaellem, aliosque praedictos, specialis gratiae favore prosequi volentes, & illorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutos fore censentes, supplicationibus illorum Nobis nomine super hoc humiliter porrectis inclinati.

§. 3. Omnia, & singula indulta, privilegia, gratias, indulgentias, peccatorum remissiones, ac poenitentiarum relaxationes eidem Ordini, illiusque domibus, locis, & personis, ac Confratribus per eandem Sedem, & diversos Romanos Pontifices Praedecessores Nostros huc usque concessa, & confirmata, dummodo tamen privilegia, indulta, & alia praedicta omnia in usu, nec revocata, aut sub aliquibus revocationibus comprehensa sint, ac sacris Canonibus, & Concilii Tridentini Decretis, & Constitutionibus, & ordinationibus Apostolicis, dictique Ordinis regularibus institutis non adversentur, Apostolica auctoritate tenore praesentium perpetuò confirmamus, & approbamus, ac perpetuae, & inviolabilis Apostolicae firmitatis robore communimus, omnesque, & singulos tam juris, quam facti defectus, si qui desuper quomodolibet in eis intervenerint supplemus, non obstantibus Constitutionibus, & ordinationibus Apostolicis, ac quatenus opus sit dicti Ordinis etiam juramento, confirmatione Apostolica, vel quavis firmitate alia roboratis Statutis, & consuetudinibus, privilegiis quoque, indultis, & Litteris Apostolicis in contrarium praemissorum quomodolibet concessis, confirmatis, & innovatis.

§. 4. Quibus omnibus, & singulis illorum tenores praesentibus pro plenè, & sufficienter expressis, & ad verbum insertis habentes, illis aliàs in suo robore permanentibus, ad praemissorum effectum hac vice dumtaxat specialiter, & expressè derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 11. Octobris 1656. Pontificatus Nostri anno secundo.

Confirmatio, & declaratio Constitutionis Innocentii Papae X. qua damnatae sunt quinque Propositiones excerptae à libro Cornelii Jansenii Episcopi Iprensis, cui Titulus, Augustinus.

ALEXANDER EPISCOPUS,

Servus Servorum Dei. Universis Christi fidelibus salutem, & Apostolicam Benedictionem.

AD Sanctam Beati Petri Sedem, & Universalem Ecclesiae regimen, inscrutabili Divinae providentiae

Supplicatio.

Oratores à censuris absolvit.

Confirmat ut in rubr.

Contrariis derogat.

Dat. P. An. 2. die 11. Oct.

XXVIII.

Edita A. D. 1656.

Exordium.

providentiæ dispositione, nullis Nostri suffragantibus meritis evectis, nihil Nobis antiquius ex muneris Nostri debito esse duximus, quam ut Sanctæ Fidei Nostre, ac Sacrorum Dogmatum integritati tradita Nobis à Deo potestate opportunè confereremus, ac licet ea, quæ Apostolicis Constitutionibus abundè fuerint definita novæ Decisionis, sive declarationis occasione, nequaquam indigeant, qua tamen aliqui publicè tranquillitatis perturbatores illa in dubium revocare, vel subdolis interpretationibus labefacere non verentur, ne morbus iste latius divagetur, promptum Apostolicæ autoritatis remedium censuimus non esse differendum.

§. 1. Emanavit siquidem aliàs à fel. rec. Innocentio Papa X. Prædecessore Nostro Constitutio, Declaratio, & Definitio tenoris, qui sequitur, videlicet. Innocentius Episcopus Servus Servorum Dei. Universis Christifidelibus salutem, & Apostolicam benedictionem. Cum occasione impressionis libri, cui titulus Augustinus Cornelii Jansenii Episcopi Iprensis, inter alias ejus opiniones orta fuerit, præsertim in Galliis, controversia super quinque ex illis, complures Galliarum Episcopi apud Nos insteterunt, ut easdem Propositiones Nobis oblatas expenderemus, ac de unaquaque earum certam, & perspicuam ferremus sententiam. Tenor verò præfatarum præpositionum est prout sequitur. Prima. Aliqua Dei præcepta hominibus justis volentibus, & conantibus secundum præfentes, quas habent vires, sunt impossibilia, deest quoque illis Gratia, qua possibilia fiant. Secunda. Interiori Gratie in statu naturæ lapsæ nunquam resistitur. Tertia. Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione. Quarta. Semipelagiani admittebant prævenientis Gratie interioris necessitatem ad singulos actus, etiã ad initium fidei, & in hoc erant hæretici, quod vellent eam Gratiã talem esse, cui posset humana voluntas resistere, vel obtemperare. Quinta. Semipelagianum est dicere, Christum pro omnibus omnino hominibus mortuum esse, aut sanguinem fudisse.

§. 2. Nos quibus inter multiplices curas, quæ animum Nostrium assidue pulsant, illa in primis cordi est, ut Ecclesia Dei Nobis ex alto commissa purgatis pravarum opinionum erroribus tuto militare, tanquam navis in tranquillo mari, sedatis omnium tempestatum, fluctibus, ac procellis, securè navigare, & ad optatum salutis portum pervenire possit. Pro rei gravitate coram aliquibus S. R. E. Cardinalibus, ad id specialiter sæpius congregatis, à pluribus in Sacra Theologia Magistris, easdem quinque Propositiones, ut supra, Nobis oblatas, fecimus singillatim diligenter examinari, eorumque suffragia tum voce, tum scripto relata maturè consideravimus, eisdemque Magistris, variis coram Nobis actis Congregationibus, prolixè super eisdem, ac super earum qualibet differentes, audivimus. Cum autem ab initio hujuscemodi discussionis ad Divinum implorandum auxilium multorum Christifidelium preces, tum privatim, tum publicè indixissemus; Postmodum iteratis eisdem ferventiùs, ac per Nos sollicitè implorata Sancti Spiritus assistentia, tandem Divino Numine favente ad infrascriptam devenimus declarationem, & definitionem.

§. 3. Primam prædictarum propositionum. Aliqua Dei præcepta hominibus justis volentibus, & conantibus secundum præfentes, quas habent vires, sunt impossibilia. deest quoque illis Gratia, qua possibilia fiant: Temerariam, impiam, blasphemam, anathemate damnatam, & hæreticam declaramus, & uti talem damnamus. Secundam. Interiori Gratie in statu naturæ lapsæ nunquam resistitur, Hæreticam declaramus, & uti talem damnamus. Tertiam. Ad merendum, & demer-

endum in statu naturæ lapsæ non requiritur in homine libertas à necessitate, sed sufficit libertas à coactione: Hæreticam declaramus, & uti talem damnamus. Quartam. Semipelagiani admittebant prævenientis Gratie interioris necessitatem ad singulos actus, etiã ad initium fidei, & in hoc erant hæretici, quod vellent eam gratiam talem esse, cui posset humana voluntas resistere, vel obtemperare: Falsam, & hæreticam declaramus, & uti talem damnamus. Quintam. Semipelagianum est dicere, Christum pro omnibus omnino hominibus mortuum esse, aut sanguinem fudisse: Falsam, temerariam, scandalosam, & intellectam eo sensu, ut Christus pro salute dumtaxat prædestinatorum mortuus sit: Impiam, blasphemam, contumeliosam, Divinæ pietati derogantem, & hæreticam declaramus, & uti talem damnamus.

§. 4. Mandamus igitur omnibus Christifidelibus utriusque sexus, ne de dictis propositionibus sentire, docere, prædicare aliter præsumant, quam in hac præfenti Nostre declaratione, & definitione continetur, sub censuris, & pœnis contra hæreticos, & eorum fautores in jure expressis. Præcipimus pariter omnibus Patriarchis, Archiepiscopis, Episcopis, aliisque locorum Ordinariis, necnon hæreticæ pravitatis Inquisitoribus, ut contraditores, & rebelles quoscumque per censuras, & pœnas prædictas, cæteraque juris, & facti remedia opportuna, invocato etiã ad hoc (si opus fuerit) auxilio brachii secularis, omnino coercerent & compescant. Non intendentes tamen per hanc declarationem, & definitionem super prædictis quinque propositionibus factam, approbare ullatenus aliàs opiniones, quæ continentur in prædicto libro Cornelii Jansenii. Datum Romæ apud Sanctam Mariam Majorem Anno Incarnationis Dominicæ millesimo sexcentesimo quinquagesimo tertio, pridie Kal. Janii Pontificatus Nostri Anno nono.

§. 5. Cum autem, sicut accepimus, nonnulli iniquitatis Filii prædictas quinque Propositiones, vel in libro prædicto ejusdem Cornelii Jansenii non reperiri, sed fictè, & pro arbitrio compositas esse, vel non in sensu ab eodem intento damnatas fuisse, asserere magno cum Christifidelium scandalo non reformident.

§. 6. Nos, qui omnia, quæ hac in re gesta sunt sufficienter, & attentè perspeximus, utpotè qui ejusdem Innocentii Prædecessoris jussu, dum adhuc in minoribus constituti, Cardinalis munere fungere-mur, omnibus illis Congressibus interfuimus, in quibus Apostolica autoritate, eadem causa discussa est, ea profectò diligentia, qua major desiderari non posset, quamcumque dubitationem super præmissis in posterum auferre volentes, ut omnes Christifideles in ejusdem fidei unitate sese contineant, ex debito Nostri Pastoralis officii, ac matura deliberatione, præinsertam Innocentii Prædecessoris Nostri Constitutionem, Declarationem, & Definitionem, harum serie confirmamus, approbamus, & innovamus, & quinque illas propositiones ex libro præmemorati Cornelii Jansenii, Episcopi Iprensis, cui titulus est, Augustinus, excerptas ac in sensu ab eodem Cornelio Jansenio intento damnatas fuisse, declaramus, & definimus, ac uti tales, inusta scilicet eadem singulis nota, quæ in prædicta declaratione, & definitione unicuique illarum sigillatim inuritur, iterum damnamus, ac eundem librum sæpè dicti Cornelii Jansenii, cui titulus, Augustinus, omnesque alios tam manuscriptorum, quam Typis editos, & si quos forsan in posterum edi contigerit, in quibus prædicta ejusdem Cornelii Jansenii Doctrina, ut supra damnata defenditur, vel astruitur, aut defendetur & astruetur, damnamus itidem, atque prohibemus. Mandantes omnibus Christifidelibus, ne prædi-

Innocentii
X. conf. re-
fert.Sollicitudo
Pont. in pur-
gandis erro-
ribus.Propositio-
num definitio.Sanctio
pœnalis.Causa præ-
servativa.Innocentii
conf. confir-
mat.

eam Doctrinam teneant, prædicent, doceant verbo, vel in scriptis exponant, vel interprentur publicè, vel privatim, palam, vel occultè imprimant, sub pœnis, & censuris contra Hereticos in jure expressis ipso facto, absque alia declaratione incurrendis.

Executores designat.

§. 7. Præcipimus igitur omnibus Venerabilibus Fratribus Nostri Patriarchis, Primatibus, Metropolitanis, Archiepiscopis, Episcopis, cæterisque locorum Ordinariis, ac hæreticæ pravitate Inquisitoribus, ac Judicibus Ecclesiasticis, ad quos pertinet, ut præsertim ejusdem Innocentii Prædecessoris Constitutionem, Declarationem, ac Definitionem juxta præsentem Nostram determinationem ac omnibus observari faciant, ac inobedientes, & rebelles prædictis pœnis, aliisque juris, & facti remediis, invocato etiã, si opus fuerit, brachii secularis auxilio, omninò coercant.

Dat. P. An. 2.

Datum Romæ apud Sanctam Mariam Majorem Anno Incarnationis Dominicæ millesimo sexcentesimo quinquagesimo sexto, Decimo septimo Kalend. Novembris, Pontificatus Nostri Anno Secundo.

In nomine Domini Amen. Anno à Nativitate ejusdem D. N. Jesu Christi 1656. Indictione nona, Pontificatus autem Sanctiss. in Christo Patris & D. N. D. Alexandri divina Providentia Pape VII. anno secundo, die verò septima mensis Novembris retroscriptæ Litteræ sub plumbo expeditæ, affixæ fuerunt ad valvas Basilicæ Principis Apostolorum de Urbe Cancellariæ Apostolicæ, ac aliis locis solitis, & consuetis Urbis per me Petrum Paulum de Grassis Apostolicum Cursorem. Pro D. Magistro Cursorum Jacobus Cornelius Cursor.

XXIX.

Convalidatio omnium novarum electionum Prælatorum in vim confirmationum factarum Ordinis Fratrum Discalceatorum nuncupat. S. Mariæ de Mercede Redemptionis Captivorum, & quod officium Superiorum non possit prætendi, nisi ad aliud triennium.

Ne jam indicata otiosè repetam, te remitto ad ea, quæ notavi ad Urban. VIII. Const. 121. Sacri Apostolatus.

Edita An. D. 1656.

ALEXANDER PAPA VII.

Ad futuram rei memoriam.

Exordium.

IN sublimi Sedis Apostolicæ fastigio meritis licet imparibus ineffabili divinæ providentiæ consilio collocati religiosorum virorum sub suavi arctioris religionis jugo vota sua Altissimo reddere laudabiliter satagentium commoditatibus libenter intendimus, illisque paternæ benignitatis Nostræ favores impartimur, prout matura consideratione adhibita conspiciamus in Domino salubriter expedire.

Supplicatio.

§. 1. Exponi siquidem Nobis nuper fecit dilectus filius Antonius à Christo Procurator Generalis Congregationis Fratrum Discalceatorum nuncupatorum Ordinis sanctæ Mariæ de Mercede Redemptionis Captivorum, quod aliàs postquam felic. rec. Gregorius Papa XV. Prædecessor Noster per quasdam suas in simili forma Brevis die 20. Augusti 1622. expeditas Litteras inter alia statuerat, & ordinaverat, ut in omnibus, & singulis officiis æqualibus, vel inferioribus dictæ Congregationis alternativa trium annorum observari deberet rec. mem. Urbanus Papa VIII. etiã Prædecessor Noster per suas pariter in forma Brevis die 12. Julii 1627. expeditas Litteras ejusdem Congregationis

Definitorio, quod ipsius Congregationis, illiusque Domorum Prælatos ordinarios, ac alios quocumque nomine nuncupatos Superiores (non tamen Provinciales) in eorum officiis prout è relictæ Congregationis, illiusque Domorum magis expedire in Domino judicasset, ad aliud triennium confirmare, sive ad eadem officia de novo etiã alternativa trium annorum hujusmodi minime observata eligere valeret, facultatem concessit. Cum autem sicut eadem expositio subjungebat, Definitorium prædictum subindè, attento quod in eisdem Urbani Prædecessoris Litteris expressè declaratum non reperiebatur Prælatos ordinarios & alios Superiores hujusmodi ad unum triennium dumtaxat confirmari, sive ad eadem officia de novo dicta alternativa non observata eligi posse, triginta ferè annorum spatio prout interea expedire visum est, Prælatos ordinarios, & alios Superiores prædictos in eorum officiis non solum ad unum, sed etiã ad plura immediatè sequentia triennia confirmaverit, sive ad illa de novo eadem alternativa minime observata elegerit: nunc verò de confirmatione, & novarum electionum hujusmodi, & indè secutorum validitate, & subsistentia plurimum dubitetur, & propterea idem Antonius Procurator Generalis opportunè à Nobis in præmissis provideri summo perè desideret.

Convalidat prout in rub.

§. 2. Nos ipsum Antonium specialibus favoribus, & gratiis prosequi volentes, necnon eorundem Antonii; & Prælatorum ordinariorum, aliorumque Superiorum, ac Definitorii prædicti singulares personas à quibusvis excommunicationis suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis præterquam præmissorum occasione, vel causa latis si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes supplicationibus dicti Antonii Procuratoris Generalis nomine Nobis super hoc humiliter porrectis inclinati, confirmationes, & novas electiones memoratorum Prælatorum ordinariorum, & aliorum quocumque nomine nuncupatorum Superiorum tamen Provincialium, dictæ Congregationis, illiusque domorum ultra unum aliud triennium respectivè à Definitorio prædicto sicut præmittitur, aliàs tamen Canonicè factas cum indè secutis quibuscumque & per ipsos Prælatos ordinarios, & alios Superiores in vim confirmationum, & novarum electionum hujusmodi factis Apostolica auctoritate tenore præsentium convalidamus in omnibus, & per omnia perindè, ac si eadem confirmationes, & novæ electiones nonnisi ad unum triennium respectivè factæ fuissent, ac omnes & singulos juris, & facti defectus, qui desuper propter præmissa quomodolibet intervenerunt, sanamus, & abolimus.

Absolvit Prælatos Ordinarios.

§. 3. Præterea omnes & singulos Prælatos ordinarios & Superiores prædictos, necnon personas ejusdem Definitorii à quibuscumque censuris, & pœnis Ecclesiasticis per eos, & illas respectivè præmissorum occasione quoquo modo incurris auctoritate, & tenore prædictis in utroque foro absolvimus & plenariè liberamus. Declarantes in futurum Prælatos ordinarios, & alios quocumque nomine nuncupatos Superiores universæ Congregationis prædictæ, illiusque Domorum, quos ad aliud triennium in eorum officiis confirmandi, seu de novo ad illa eligendi facultas eidem Definitorio, ut præmittitur, à dicto Urbano Prædecessore concessa fuit, non ultra unum dumtaxat triennium immediatè proximum in eorum officiis à memorato Definitorio respectivè confirmari, sive ad illa de novo alternativa trium annorum hujusmodi minime observata eligi posse. Ac decernentes ipsas præsentis Litteras desuper firmas, & validas, & efficaces existere, & fore,

&